

جيرة

لو كنت كاتب قصايد      أو با      أقول أشعار  
لكنت ألمي الجرايد      وأنشرها في الأخبار  
وأزف أرجوزات الموالد      جاري وجار الجار  
واللي ما يكونش قاعد      أعمله حفلة زار  
وبالذات أبو دم بارد      عسي يستحي ويغار  
يغار وما يروحشي يشكي      ويفضحنا بين الناس  
الوسخ أبو مخ دونكي      المهزلة الهلاس  
عشان يجري ويحكي      لو ضاع منه لباس  
لكل عزبة بيانكي      وجميع ولاد بانياس  
وتهت فيه بس يبكي      ويبقي زي الفار  
2- الفار ساعتها ها يزعل      لو معاه ساويناه  
ويداري وشه ويخجل      لو بس قارنناه  
مقارنة فيها هينزل      أبو وش زي قفاه  
ولو قتلوا هو مغفل      وكده ربنا سواه  
هاقول لإمتي ها يفضل      يا ناس صاحبنا حمار  
3- حمار ولا حمار حساوي      صحيح ده ولا بهيم  
ينفع لحمل القطاوي      أو شيل البرسيم  
أو ركوبة لبباوي      يروح عليه بهتيم  
لكن تشوفوا البلاوي      وشوفوا خيبة التعليم  
بدال ما يركبول له حداوي      خلوه واحد من النظار

4- نظار وآخر زمن      ويعلموا الطلاب  
وهم ما يعرفوش ترومان      فاز لأي أسباب ؟  
ومين أمير الشجن      الموصلي أو زرياب  
ومثني كلمة فنن      وإيه الجمع للمرآب ؟  
ياللي عايزين الدفن      أو الدبح بالمنشار



### تووونز 3

أنا قبل ما أدخلها تووونز كنت أنا فرحان  
علشان هشوف جمالها واشوف رجال جدعان  
لكن يا حسرة إالى شفته خد الفرحة منى وراح  
وخلانى أرثى عشانها وأرجع وأنا زعلان  
1- زعلان لأنى كنت فاكر إنى هقضى فيها أيام  
مع شعب واعى وفاهم شعب ماشى تمام  
لكن لقيتهم غجر وبحسبة حلال وحرام  
جوال بقالى شهر ما سمعت فيها آدان  
2- وشفنت مرة جماعة سمعوا الآدان يا هوه